

俎 才呂反上正下 躁 音到反動厲也音例猛也
 眉 瘦上反側 十毗婆沙論十五卷 父

菩提資糧論卷第一

聖者龍樹本

真自在釋

父一

隋大竺三藏達摩笈多譯

今於諸佛所 合掌而頂敬 我當如教說
 佛菩提資糧

佛者於一切所應知中得覺此為佛義如所
 應知而知故又於無智睡眠中覺故覺者寤
 為義以離無智睡故又諸釋梵等不覺此覺
 唯是名聲普遍三界者所能覺故一切諸佛
 乃覺此覺以一切種遍智唯佛所知非諸聲
 聞獨覺菩薩以不共法具足故諸者無闕故
 謂過去未來現在等頂者上分故合掌者攝
 手故敬者向禮故我說者自分別故如教者
 彼彼經中種種已說今亦如彼教說故佛者
 離無智故菩提者一切智智故資糧者能滿
 菩提法故譬如世間瓶盈盆盈等盈是滿義
 如是以滿菩提法為菩提資糧又以持為義
 譬如世間共行日攝於熱月攝於冷攝是持

義如是以持菩提法為菩提資糧言資糧者
即是持義又以長養為義譬如世間有能滿
千或百或十或唯自滿或難自滿菩提資糧
亦復如是以長養菩提為義又以因為義如
舍城車等因中說言舍資糧城資糧車資糧
如是於生菩提因緣法中說名菩提資糧又
以眾分具足為義譬如祭祀分中杓火等具
足名為祭祀非不具足亦如身分頭手足等
具足得名為身非不具足施分亦如是施者
施物受者迴向此等具足名施資糧非不具
足戒等資糧亦如是是故眾分具足義是資
糧義如是我說菩提資糧是能滿者持者長
養者菩提因者菩提分具足者皆其義也
何能說無關 菩提諸資糧 唯獨有諸佛
別得無邊覺
何能者何力也若聲聞若菩薩少分覺知無
力能故若欲說諸菩提資糧無關無餘唯是
諸佛別得無邊覺者言無邊覺謂非少分覺

故以佛世尊於無邊應知義中覺知無礙是
故佛名無邊覺者又於欲樂及自疲苦斷常
有無等邊見中覺而不著以所覺無邊見故
佛名無邊覺者
問何故資糧唯佛能說餘人不能答
佛體無邊德 覺資糧為根 是故覺資糧
亦無有邊際
佛體者即佛身也以彼佛體具足無邊功德
故說佛體無邊德功德者謂可稱讚義若可
稱讚則名功德又是數數作義譬如數數誦
習經書彼則說名作功德者又是牢固義譬
如作繩或合二為功或合三為功又是增長
義譬如息利或增二為功或增三為功德是
依止義譬如諸物各以依止為功如是佛體
為戒定等無邊差別功德依止故說佛體有
無邊功德覺資糧為根者彼菩提資糧與佛
體無邊功德為根本故根者建立義菩提者
智也根即資糧以彼資糧能建立一切智智

是故資糧為佛體根本良由佛體有無邊功德須以無邊功德成彼佛體是故資糧亦無邊際

當說彼少分 敬禮佛菩薩 是諸菩薩等次佛應供養

彼諸資糧無邊而智有邊是以說彼資糧不

無能闕故言當說彼少分敬禮佛菩薩問應禮佛以一切眾生中最勝故何義此中亦禮菩薩等是諸菩薩等次佛應供養故諸菩薩等從初發心乃至覺場皆應供養菩薩有七種一切發心二正修行三得無生忍四灌頂五一生所繫六最後生七詣覺場此等菩薩

於諸佛後次應供養以身口意及外物等而供養之初發心者未得地正修行者乃至七地得無生忍者住第八地灌頂者住第十地一生所繫者方入兜率陀最後生者兜率陀處住詣覺場者欲受用一切智智於七種菩薩中初發心菩薩一切眾生皆應禮敬何況

餘者何以故深心寬大故如來教量故初發心菩薩發菩提心時於十方分無滅諸佛土無滅諸眾生無滅以慈遍滿發菩提心若未度眾生我當度之未解脫者我當解脫未蘇息者我當蘇息未寂滅者我當寂滅應聲聞者我當令入聲聞乘中應獨覺者我當令入獨覺乘中應大乘者我當令入大乘之中欲令眾生悉得寂滅非為寂滅少分眾生以是深心寬大故一切眾生皆應禮敬何者為如來教量如世尊說迦葉譬如新月便應作禮非為滿月如是迦葉若信我者應當禮敬諸菩薩等非為如來何以故從於菩薩出如來故又聲聞乘中亦說

於彼知法者 若老若年少 應供養恭敬如梵志事火

以是故諸菩薩等次於佛後皆應供養如偈說紹持佛種者 勝餘少分行 是故諸菩薩次佛後供養 慈與虛空等 普遍諸眾生

是故最勝子 次佛後供養 於諸衆生類

大悲猶如子 是故此佛子 次佛後供養

悲心利衆生 無二似虛空 是故無畏者

次佛後供養 一切時如父 增長諸衆生

是故諸菩薩 次佛後供養 猶如地水火

衆生常受用 是故施樂者 次佛後供養

唯為利衆生 捨離自樂因 是故彼一切

次佛後供養 佛及佛之餘 皆從初心出

是故諸菩薩 次佛後供養

問尊者已正說資糧教緣起今應說資糧體

答

既為菩薩母 亦為諸佛母 般若波羅蜜

是覺初資糧

以般若波羅蜜是諸菩薩母故為菩提初資

糧何以故以最勝故如諸身根中眼根最勝

諸身分中頭為最勝諸波羅蜜中般若波羅

蜜最勝亦如是以般若波羅蜜最勝故為初

資糧又前行故如諸法中信為前行諸波羅

蜜中般若波羅蜜前行亦如是以彼陀那若

不迴向菩提則非陀那波羅蜜如是尸羅等

不迴向菩提亦非尸羅等波羅蜜迴向菩提

即是般若由般若前行故能迴向以是前行

故諸波羅蜜中般若波羅蜜為菩提初資糧

又是諸波羅蜜三輪淨因體故以般若波羅

蜜為諸波羅蜜三輪淨因體是故般若波羅

蜜為菩提初資糧三輪淨者菩薩於般若波

羅蜜中行布施時不念自身以離取自身故

不念受者差別以斷一切處分別故不念施

果以諸法不來不出相故如是菩薩得三輪

淨施如淨施淨戒等亦如是以此般若波羅

蜜是彼諸波羅蜜三輪淨因體故般若波羅

蜜為菩提初資糧又大果故般若波羅蜜大

果勝諸波羅蜜如經說

菩提心福德 及以攝受法 於空若信解

價勝十六分

鞞羅摩經中大果因緣此中應說以是大果

故般若波羅蜜為菩提初資糧

問何故般若波羅蜜得為菩薩母

答以能生故方便所攝般若生諸菩薩今求

無上菩提不求聲聞獨覺以是生佛體因故

般若波羅蜜為菩薩母又置於五波羅蜜中

故如言真鉢囉臧波佉也冥為性鉢囉臧波

佉為誦即此性相是為摩多

字從真鉢囉臧波佉語中出冥是摩多體性

置為母義譬如母生子時或置床敷或置也

上般若波羅蜜亦如是生彼求菩提菩薩時

置於施等五波羅蜜中以能置求菩提菩薩

故說般若波羅蜜為菩薩母又以量故如言

茫摩泥也茫為性摩泥為誦即此性相是為

摩多

於字聲論中摩多字又從茫摩泥語中

翻為量故以譬如母生子已隨時等量如是

我子以此食故身增以此故損減菩薩亦如

是以般若波羅蜜自量其身我應如是布施

我應如是持戒等以是自量因緣故說般若

波羅蜜為菩薩母又以斟量故譬如量物有

鉢囉薩他阿宅迦有突噓拏有佉梨底等

如此問合外斟量諸菩薩亦是此初發心

此修行此得忍等以斟量因緣故說般若波

羅蜜為菩薩母又以脩多羅中誦故所謂於

諸經中作母名誦彼等經中有名稱遍諸佛

國菩薩名毗摩羅吉利帝說伽他言

般若波羅蜜 菩薩仁者母 善方便為父

舊云維摩 諸者不正

慈悲以為女

復有餘經亦如是誦以脩多羅量故說般若

波羅蜜為菩薩母

問何故般若波羅蜜亦為諸佛母

答以出生及顯示無障礙智故過去未來現

在諸佛由般若波羅蜜阿含故煩惱已盡當

盡今盡以是出生故般若波羅蜜為諸佛母

顯示無障礙智者以過去未來現在諸佛母

尊顯示無障礙智皆般若波羅蜜中顯以是

顯示無障礙智故諸佛亦以般若波羅蜜為

母

母此中有輸盧迦

由大悲相應 般若波羅蜜 於無為際岸

佛子能超過 得到無等覺 利攝諸衆生

智度為母故 大人能如是 由得智度故

乃得成佛體 故為諸佛母 勝仙之所說

何故此名般若波羅蜜以不與聲聞獨覺苦

故名般若波羅蜜於上更無所應知故名聖

若波羅蜜此智到一切彼岸故名般若波羅

蜜此般若波羅蜜餘無能勝故名般若波羅

蜜三世平等故名般若波羅蜜虛空無邊平

等故名般若波羅蜜

如是等勝因緣如般若波羅蜜經中說故名

般若波羅蜜

問已略說菩提初資糧第二資糧今應說

施戒忍進定 及此五之餘 皆由智度故

波羅蜜所攝

此中陀那波羅蜜為第二菩提資糧以般若

前行故菩薩為菩提而行布施是故施為第

二資糧於中生他身意樂因名布施非為作

苦彼有二種謂財施法施財施亦有二種謂

共識不共識共識亦有二種謂內及外若施

自身支節若全身施是為內施若施男女妻

妾及二足四足等是為外施不共識亦有二

種謂可食不可食此有種種若施身內受用

飲食等物是為可食若施身外受用香鬘所

攝金銀珍寶衣服土田財物園池遊戲處等

是為不可食然可受用法施亦有二種謂世

間出世間若因法施於流轉中舊云生死者非正翻名今

為世間若因法施果報越度流轉是為出世

間彼財施法施各有二種謂有著無著若為

自身若為資生若為勝果希望相續以財法

施是為有著若為利益安樂一切衆生若為

無障礙智是為無著其餘更有無畏施等亦

隨順入財施中彼二種施果及餘氣謂津液也具

如大乘經說此中當略說偈

飲食及被服	隨須皆布施	亦施花鬘燈
末香與音樂	或施諸美味	藥物及椅枕
養病之所須	并醫人給侍	男女與妻妾
奴婢及倉庫	莊飾諸婢女	隨須皆布施
所有諸寶物	種種莊嚴具	象馬車乘等
妙物盡施之	園林修道處	池井集會堂
土田并雜物	客舍等皆施	若二足四足
若復一洲諸	村落與國都	及王境悉施
施所玩好物	利樂憐須者	為諸衆生依
怖者施無畏	施其所難捨	手足眼耳鼻
亦施心與頭	舉身悉能捨	修行布施時
常於受者所	應生福田想	亦如善眷屬
布施諸果報	具足善聚集	迴向為自他
成佛及淨土	菩薩所行施	正迴向佛體
此菩薩陀那	得名波羅蜜	若彼若此岸
亦無能說者	施果到於彼	說為施彼岸
今說施主差別		
不貪於愛果	悲故三輪淨	正覺說彼施

是為求菩提 我已作此事 正作當亦作
 若作如是捨 備貸非布施 貪增施果故
 隨須即能捨 說為息利人 智念非施主
 不貪增益果 唯以悲心施 此名真施主
 餘皆是商販 如大雲遍雨 諸處等心施
 此名大施主 餘皆是少分 施及施果報
 哀愍與須者 施主於衆人 猶如其父母
 不念所施物 受者及施者 而常樂布施
 此名為施主 若不分別佛 菩提與菩薩
 而為菩提施 彼當速成佛
 問已解釋陀那波羅蜜今應說尸羅波羅蜜
 答波羅蜜義如前解釋尸羅義今當說以尸
 羅故說為尸羅言尸羅者謂習近也此是體
 相又本性義如世間有樂戒苦戒等又清涼
 義為不悔因離心熱憂惱故又安隱義能為
 他世樂因故又安靜義能建立止觀故又寂
 滅義得涅槃樂因故又端嚴義以能莊飾故
 又淨潔義能洗惡戒垢故又頭首義能為入

衆無怯弱因故又讚歎義能生名種故此戒是身口意善行所轉生於中遠離殺生不與取欲邪行等是三種身戒遠離妄語破壞語麤惡語雜戲語等是四種口戒遠離貪瞋邪見等是三種意戒如是知身口意善行所轉生十種戒與貪瞋癡所生十種惡行爲對治彼十種惡行下中上常習近故墮於地獄畜生閻摩世等如前數十種善行戒若不與覺分相應下中上常習近故隨福上上差別當得天人差別若與覺分相應十種善行戒上上常習近多作故當得聲聞地及菩薩地中轉勝差別又此菩薩戒衆有六十二種無盡如無盡意經中說當知又略說有二種戒謂平等種時戒不平等種時戒平等種時戒者以此善身口意積聚故於生生中種時若界若富樂若聲聞獨覺若相報若淨土若成熟衆生若正遍覺等彼皆說名平等種時戒與此相違名不平等種時戒復有二種戒謂有

作戒無作戒若於有所作者名有作戒與比相違名無作戒復有九種戒謂凡夫戒外道五通戒人戒欲界天子戒色界天子戒無色界天子戒謂學無學聲聞戒獨覺戒菩薩戒凡夫戒者入生趣故盡外道五通戒者神通退故盡人戒者十善業道盡故盡欲界天子戒者福盡故盡色界天子戒者禪那盡故盡無色界天子戒者三摩鉢帝盡故盡諸學無學聲聞戒者究竟涅槃故盡獨覺戒者闕大悲故盡菩薩戒者則無有盡以此戒能顯明諸戒故種子相續無盡故菩薩相續無盡故如來戒無盡故以此因緣菩薩戒者說名無盡諸菩薩戒迴向菩提故說名戒波羅蜜此中有輪虛迦偈

猶如父愛功子
出離有愛戒亦
此戒牟屋習近已
似烏凡人所棄捨

亦如自身愛壽命
大心健者之所愛
解脫於欲離有愛
知者常當愛此戒

此戒利益於自他
 此世他世勝莊嚴
 此戒不由於他力
 皆因自力而得之
 財物國境并土地
 皆能捨之不捨戒
 假使從天墜於地
 為滿離垢無染地
 若已滿足戒方便
 既得離垢清淨地
 若復天人脩羅世
 善知教化方便已
 或以布施攝衆生
 或復與其安隱利
 或在人中為其主
 彼彼方便引導之
 具足實戒神通故
 世間盡時火增盛

令身端嚴離憂乏
 是戒智者當所為
 非不可得非乞求
 是故上人愛此戒
 自身肌肉及以頭
 為欲淨彼勝菩提
 設今自地昇於天
 應當決定不移動
 此時即得第二地
 是時成就心所欲
 及畜生中可化者
 隨念徃彼利益之
 或以愛語入其意
 或與同事助其力
 或居天衆而自在
 悉當安置於白法
 便能乾竭於大海
 於刹那頃悉能成

觀於世間種種惱
 智者有戒通方便
 問已解釋尸羅波羅蜜今應說彞提波羅蜜
 於此中彞提者若身若心受諸苦樂其志堪
 忍不高不下心無染濁此名略說彞提若自
 在說則施設為三謂身住持心住持法住持
 於中身住持忍者謂身所遭苦若外有心無
 心不愛之觸所生身苦堪忍不計此名身住
 持忍外所生者謂以食因緣故起怖瞋癡及
 蚊虻虵虎師子熊等二足四足多足諸有心
 物無量因緣逼惱於身或復來乙手足耳鼻
 頭目支節而割截之於此惡事心無悶亂亦
 無動異此名身住持忍又暴風盛日寒熱雨
 雹擊觸因緣諸無心物來逼惱時遍身苦切
 而能安受此亦名忍又內身所起界動因緣
 故風黃痰瘡及起所生四百四病極為身苦
 於逼惱時能忍不計亦名身住持忍於中心
 住持忍者若有罵詈瞋嫌呵責毀謗挫辱欺

誑等不愛語道來逼惱時其心不動亦無濁
 亂此名心住持忍又八種世法所觸謂得利
 失利好名惡名譏譽苦樂中心無高下不動
 如山是名心住持忍又斷順眼瞋故無殺害
 心無結恨心無鬪諍心無訴訟心自護護他
 於衆生中慈心相應與悲共行起歡喜意恒
 作捨心此等亦名心住持忍於中法住持忍
 者於內於外如實觀察故外者謂罵詈殺害
 等罵詈者聲字和合同時不散以利那故字
 空故聲如響故不可說次第相應義此中無
 有罵詈但諸餘凡夫虛妄分別而生瞋怒若
 字與聲自性義中知不可得心則隨順不相
 違背平等忍受此名法住持忍又於殺害者
 所當作是念身非害者身若無心則如草木
 壁影等故心亦非害者以心非色無所觸礙
 故於第一義中無殺害者作是觀時不見殺
 害堪能忍之此名法住持忍內者謂觀內法
 時作如是念色如聚沫從緣而起無動作故

不自生故空故離我我所故受如泡想如陽
 焰行如芭蕉識如幻從緣而起無動作故不
 自生故剎那生滅故空故離我我所故於中
 色非我色非我所如是受想行識識非我識
 非我所此等諸法從緣而生若從緣生則自
 性無生若自性無生則無能害者如是觀時
 若內若外諸法自性皆不可得此名法住持
 忍若於身心法中作自性觀時即是順無生
 忍此名略說羣提波羅蜜如修多羅中具說
 此中有聖者頌
 怨親及中人 悲念常平等 瞋因尚無有
 何得瞋衆生 善修習常慈 衆生同已體
 平等無有二 云何怒衆生 心常捨離瞋
 多生於愛喜 健者既無礙 云何與世違
 於諸衆生所 常求作利枯 云何起瞋恚
 得加衆生惡 世間八法觸 其心不動搖
 譬如口吹山 應知彼得忍 深心離諸垢
 礙事不能汗 如涅涅虛空 應知彼得忍

於身無所愛 於命亦不貪 諸怨悉不能
 動其相續志 於非可愛聲 安心猶如響
 諸言亦如化 忍心便在手 不於五眾中
 取我及命相 身亦非我所 應知彼得忍
 若不見於我 及我所自性 便得無生忍
 佛子最安隱

菩提資糧論卷第一

笈其業 釜音父 關同 鞞反 鉢下 賦力
 反 二 苙音 斟音 量針 窳音 擊上 鉢下 囉加 賦力
 反 丘 迦 斛反 胡 谷 摩 詰一 起 輸反 式 米 惛 望上 希 下 音
 亡 音 津 液 亦 下 音 熊 而 大 慈 猛 多 力 洲 渚 焚 下 音 水

中沙潭也 太者玩好上愚備貸已音容實
 日洲小者曰渚者玩好上愚備貸已音容實
 雇商販下方也 天 怯弱下音劫反 時音侍移
 肌肉上音逼反 彼力 挫辱反 摧 訴訟上音泥
 泥塗下飾也

菩提資糧論卷第二

父七

聖者龍樹本

比丘自在釋

隋天竺三藏達摩笈多譯

問已解釋忍波羅蜜今應說精進波羅蜜
 勇健體相勇健作業等是為精進於中諸善
 薩等從初發心乃至究竟坐菩提場建立一

王元之

切菩提分相應身口意善業此名精進波羅
 蜜又復若與諸凡夫及學無學聲聞獨覺等
 不共精進此名精進波羅蜜精進有三種謂
 身口意彼身口精進以心精進而為前行略
 說有三種福事若身與福事相應是身精進
 若口與相應是口精進若意與相應是意精
 進又於若自利若利他善中身健行是身精
 進口健行是口精進意健行是心精進復有
 三十二種菩薩精進謂不斷三寶種精進成
 熟無量眾生精進攝受無量流轉精進無量
 供養給侍精進聚集無量善根精進出生無
 量精進精進善說令眾歡喜精進安隱一